

Āma' yej San Pablo kijkuilowilij Filemón

Pablo kijkuilowiliá Filemón

¹ Nej niPablo yej nipresojtito' iga nikpowa itájtōl Jesucristo, nimitzijkuilowiliáj inĭn āma' iwān toknĭn Timoteo. Noknĭn Filemón yej nimitzpoxchōkiliáj, nimitzijkuilowiliáj tej yej nō tikpowa itájtōl Dios. ² Nō nikijkuilowiliáj inochi tokniwān yej monechkowaj mochan iga ankiweyimatiĭtiáj Dios, wān nō la hermana Apia iwān toknĭn Arquipo yej nō tepalewiá iga tikpowaj itájtōl toTēko. ³ Dios yej toTaj iwān toTēko Jesucristo mamitzmakakan yej yeĭkti iga xonokan tamelá.

Kén iga Filemón te-ijknĭn wān moconfiarowa ipan Jesús

⁴ Nochipa kuā' nitajtowa wān Dios nimitzejlamiki wān nikmaka gracias iga tej, ⁵ iga nematiĭtijkej iga timoconfiarowa iwān tikpoxneki toTēko Jesús iwān iga tikchōkiliá inochi yej moconfiarowaj ipan Dios. ⁶ Niktajtaniliá Dios iga amo xikajtewa iga tikpowa itájtōl Dios, iga máj xikye'entendero inochi yej yeĭkti yej tikpiáj ipan Cristo Jesús. ⁷ Nipoxpakto' iwān tineyolchikawa iga tipoxte-ijknĭn, gracias iga tej noknĭn, yolchikajtokej inochi yej kicredoĭtokej Dios.

Pablo kitajtowiliá Onésimo

⁸ Malej anka wel katka nimitztekimakaya te tikch_iwas iga nej se itatitan Cristo, ⁹ e' máj ye_kti manimitztajtanili iga san timochokiliáj. Nej Pablo, niwéweja iwán inán nipreso_jtito' iga nikpowa itájtól Cristo Jesús, ¹⁰ achi manimitztajtanili se favor iga Onésimo. Onésimo nikita ken nopiltz_in iga nigaj ka_n nipreso_jtito' niknextilij iga mamocofiaro ipan Cristo.

¹¹ Anka ikya, Onésimo moesclavo_j* katka yej ayá' mitzpaléwiaya, e' inán kena teservirowa, tej wel mitzpaléwij iwán nej no nepaléwijo'. ¹² Inón iga inán nimitztitaniliá; xikomemáwi ken kuá' nej nemi tineomemáwiá. ¹³ Nej niknekiá iga makáwi nigaj nowan, iga manepalewi ken kuá' tej nemi tinepaléwiá, ken inán iga nipreso_jtito' iga nikpowa itájtól Dios. ¹⁴ E' ayá' nikneki manikch_iwa nité siga ayá' achto tej tikj_itowa, iga inón yej nimitztajtaniliá amo manimitztekimácapa, sino que xikch_iwa moganaj. ¹⁵ Anka Onésimo mitzcholowilijka se tiempo, e' inán nochípaya yawi onoti mowan, ¹⁶ e' ay'ya ken se esclavo, sino que májya sej que se esclavo; inán kenya se tokn_in yej tikpoxchokiliáj. Nej poxsan nikchokiliá, e' tej máj xikpoxchokili ken agaj yej no kitoka toTeko, amo xikita ken se petz námol tokn_in.

¹⁷ Siga nej tine-ikn_inmati iga timocofiarowaj ipan toTeko, xikomemáwiwa' ken kuá' nej nemi tineomemáwiá. ¹⁸ Siga tejté mitzch_iwilij o siga tejté mitzch_itekilij, nej xinecobraro. ¹⁹ Nej Pablo nikijkuilowa nomatika inimej tájtól: “Nej nia

* **1:11** 1:11 Xikita glosario “Esclavo”.

nimitzixtawati”,† e' anka wel nō nimitzejlantíá iga tej nō tinēdeberowa iga nimitznextilij iga tikixmati' Cristo. ²⁰ Noknīn, xinechīwili inīn favor yej nimitztajtaniliá; xineyolchikawa iga nej moknīn iga tiksentokaj Cristo.

²¹ Nimitzijkuilowiliá inīn ama' wān nikmati iga tinēcređoj iwān tikchīwas majya sej que yej nimitztajtanilij. ²² Nō nimitzijliá iga xitaye'tali ipan se cuarto iga nej, porque nej nikmati iga Dios yawi kichīwati yej ankitajtaniliáj, iwān Yéj kichīwas iga nej maníá manimitzitatij.

Pablo monawatiá

²³ Epafra mitzijliá iga xiye'ono, yéj nō nigaj ono' ipan cárcel iga kikitzkijkej iga kipowa itájtōl Cristo Jesús. ²⁴ Nō mitzijliá iga xiye'ono, Marcos, Aristarco, Demas iwān Lucas yej nepalēwiáj iga nikpowaj itájtōl Dios.

²⁵ Niktajtaniliá toTēko Jesucristo iga mamitziknelikan. Ijkónyawa'.

† **1:19** 1:19 Neši iga Pablo kijkuiloj inímejsan tájtōl imatika, anka se tajkuilowani kijkuiloj ipan ama' nochi lo demás yej Pablo kijtojtiajki.

**Itájtōl toTēko ipan mela'tájtōl
Nahuatl, Isthmus-Mecayapan: Itájtōl toTēko ipan
mela'tájtōl New Testament**

copyright © 2016 Wycliffe Bible Translators, Inc.

Language: Nahuatl, Isthmus-Mecayapan

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

8d5b6a33-8846-5c0f-ae8f-62c94f894f7b